



HAMREKYRKJESTAD

1000 år

Osterøy kommune

Postboks 1

5293 Lonevåg

post@osteroy.kommune.no

Hamre, 2. mars 2022

INVITASJON TIL MEDLEMSKAP OG DELTAKING

Organisasjonen «*Hamre kyrkjestad – 1000 år*» vart skipa til 26. oktober 2021. Stiftinga er eit resultat og ei formalisering av fleire uformelle samtalar, møter og initiativ i perioden 2018-2020 mellom ulike aktørar som t.d. Osterøy kyrkjeleg fellesråd, Hamre sokneråd, Osterøy kommune, Bjørgvin bispedømeråd, med fleire. Under pandemien har arbeidet stoppa opp før organisasjonen vart skipa. Organisasjonens føremål er å markere kyrkja og kristenrettens kome lokalt, med hovudvekt på Hamre kyrkjestad - 1000 år.

Kristenrettens innføring på Moster i 1024 har lagt sær store premiss for det samfunnet Noreg har utvikla seg til å verte dei siste 1000 åra. Det vil vere nasjonalt jubileum på Moster i 2024. Av dei historiske kjeldene veit me at Hamre som kyrkjestad allereie er omtala av Snorre, at Olav den Heilage segla forbi på veg til Moster, at han i 1022 peika ut Hamre som kyrkjestad og at det har vore kyrkje på Hamre sidan 1024 – kanskje òg før.

Ut i frå samtalane og møta som tidlegare har funne stad har ein sett føre seg ei jubileumsveke i mai/juni, involvering av kyrkje, skule, kommune, historieinteresserte, bygdefolk, lag og organisasjonar. Det har òg vore peika på trongen for å tilsette ein prosjektleiar til å leie prosjektet, og det har vore føreslege at stillingsstorleiken kan settast til 20%.

For at alle (friviljuge) lag og organisasjonar skal kunne vere deltakande utan omsyn til økonomi opererer ein her med to kategoriar tilknytning; *medlem* og *samarbeidspartnar*. For å sikre tilstrekkeleg finansiering av ein prosjektleiarstilling, samt ein viss føreseieleg finansiering av prosjektet elles er organisasjonen avhengig av nok at offentlege institusjonar er viljuge til å teikna medlemsskap for perioden 2022-2024. Osterøy kyrkjeleg fellesråd og Hamre sokneråd har allereie teikna seg som medlemar. Medlemskontingenten er fastsett til 50.000,-/år. Med denne invitasjonen vonar me at Osterøy kommune, Vestland fylkeskommune og Bjørgvin bispedømeråd vil teikne seg som medlemar. Det vert òg søkt om prosjektmidlar frå andre kjelder.



HAMREKYRKJESTAD

1000 år

For at ein skal få inntrykk av kva prosjektet kan kome til å innehalde (avhengig av finansiering/prosjektlear):

- Historieformidling; podkast, film og bok
- Barnas kyrkjefest
- Seilas frå Moster til Hamre
- Engasjering av elevar med oppgåver
- Vikinggudsteneste // annan historisk gudsteneste
- Lage digital framsyning av kyrkja
- Konsertar, utstillingar, foredrag...

Involvering; medlem/samarbeidspartnar søkjast frå mellom anna desse:

- Osterøy museum
- Biblioteket
- Reiselivslaget
- Grendarådet
- Berekraftsprosjektet
- Osterøy sogelag
- Næringsliv elles
- Den katolske kyrkja (som var eigar/brukar av kyrkjestaden fram til reformasjonen)
- Universitetet i Bergen
- Bjørgvin bispedømeråd
- Vestland fylkeskommune
- Kystpilgrimsleia, Kystsogeveke og Fjordstream.
- Skodespel
- Osterøy kommune, Hamre sokneråd og Osterøy kyrkjeleg fellesråd (som til no har vore engasjert i planlegginga i det føregåande arbeidet som har ført til tilskipinga av denne organisasjonen).

Heile området med kyrkje, kyrkjeveg, prestegard med tilhøyrande naust, klokkargard, borgstove, park og kaianlegg utgjør eit kulturhistorisk område ein vil nytte seg av.

Prosjektet vil såleis ha det kulturhistoriske og praktisk/tekniske, og ikkje det religiøse, som sitt arbeidsdomene. Effektane av prosjektet vil vere auke kunnskap, involvering, samarbeid på tvers (private/offentlege/privatpersonar/organisasjonar/grupperingar/alder/osb.) og dimesd knyte nye relasjonar til eit vidare friviljug arbeid. Ein reknar elles med eit stort friviljug engasjement og stor involvering knytt til markeringa.

Interimstyret vil fungere fram til fyrste generalforsamling er halde. Fyrste generalforsamling vert halde våren 2022, og ein vil få invitasjon til dette når dato er fastsett.

Ved å teikne medlemskap vil organisasjonen jfr. vedtektene få to representantar i styret i Hamre kyrkjestad – 1000 år. Me oppmodar dykk på det sterkaste til å teikna medlemsskap og oppnemne to representantar og ein vararepresentant til styret.



HAMREKYRKJESTAD

1000 ár

Me ber om ei tilbakemelding på vår førespurnad innan 5. april 2022.

Roar Moen

interimstyrets leiar

post@roarmoen.no // 957 95 324

Vedlegg:

Vedtekter